


*Skina di Ruthy*


# Aruba den cancion "Yamanota" Exitoso Shortfilms Festival 2015

Skirbi pa Ruthy "Lady Ruth" Vrieswijk-Bergen

Otro mas cu amor grandi pa nos dushi pida baranca. E tawata aki atrobe cu vakantie pa algun siman y Lady Ruth a probecha di hibebe algun radio emisora e biaha aki.



El a biba hopi anja pasa na Aruba, for di 1992/3 pa 1995 nan ey, y tawata suficiente tempo pa ela enamora di nos dushi isla cu tur su contrastenan, un amor asina fuerte cu ela inspira un poema masha masha bunita mes, cu den pensamiento e cancion "Het dorp" di Sonneveld, fiya

for di un artista frances cu ta donjo di e melodia original "Le montagne" of algo asina. Tawata su speech di gradicimento na Aruba, dia cu ela bay bek Hulanda. El a recite y Arjan de Bie a toca guitarra como musica den fondo. Mas o menos 6 anja pasa, ela bira un cancion oficial titula "Yamanaota" y ta obtenibel ariba un disco compacto. E suma recauda di e bentanan ta destina pa fundacion Stimaruba." Dank je wel lieve beste vriend Will Bauer voor je prachtige woorden in het Yamanota lied. Het raakt ons diep "Famianan mariniers cu bai bek Hulanda sa hanja e cd aki como regalo y nan tambe ta keda tur conmovi, y principalmente despues cu nan tambe a biba akinan pa algun anja of mas. Nan tambe conose nos dushi isla mihor awor....Pero no ta cancionnan bunita so ta wordo crea, pero tambe filmnan cortico di un 10 pa 15 of 20 minuut cu mensahenan impresionante den nan, anto actua pa nos mesun hendenan local talentoso den e ramo di actuacion. Por ehempel e shortfilm "Negligencia" y "Dina". E actris Yvonne Spellen tawata e Dina cu alzheimer. Tremendo actuacion !!! Anja pasa e hoben Steshka Croes, yui muher talentoso di nos pianista Padu chikito Albert Croes a gana e premio pa e mihor actris. Un hoben cu talento, un hoben cu ta durf, un hoben hopi inspira. E peliculanan cu a gana premio e anja aki ta "Sin rastro" y "Heartbreak". Pero e publico a goza tambe di tur e otro short-



filmsnan, e.o. Negligencia y Dina. Pabien na e fundacion organisador di e tremendo festival di

short films aki, cu ta duna smak pa mas. Pabien tambe na sra. Luty y Semi, kendenan a destaca den nan produccionnan. Nos ta di opinion cu por laga scolnan mira "Dina" sigur y sinja algo mas di e malesa alzheimer. E shortfilm mes mes cu a laga tur hende babuca ta "E berguensa" cu actornan principal Addonsito Croes y Lelicia Tromp, kendenan a fungi como maestro y maestra di ceremonia e anochi di e presentacionnan di e shortfilms festival den Cas di Cultura, casi sold out y cu publico gozando di tur e dushi snacknan di The Kelkboom kitchen, forma pa e yui muher Sandra Kelkboom y su mayornan Marij y Emile, ahaaaaa, asina mes, no mas den radio business pero awor den e arte culinario di cushina cu nan specialidad "dabaru".



Nan dushi juice di tamarijn y kenepa, fruitpunch, pastechi, bolo di cashu etc....etc....snacknan saludabel y super pero super dushi mes !!! Lady Ruth ta gusta e wrap di dabaru mas cu tur otro snack !!! Y banda di dje, su dushi juice di tamarijn !!! Cu nos deseo pa un bon resto di siman cu positivismo y alegria den famia !! Pasa un dushi dia !!! No lubida di compra un cd di e bunita cantica "Yamanota" na cafe the plaza riba Diadomingo anochi cerca nos amigonan cantante Arjan y Flora de Bie y contrubui asina cu fundacion Stimaruba. Tin cd di Yamanota na hulandes, na ingles y tambe na papiamento. Di antemano masha danki pa bo cooperacion di curason !!!!

